

Dr. Mustafa Cerić

Reisu-l-ulema (1993.-2012.)

PRVA ŠA'BANSKA HUTBA

(02. ša'ban 1438 h.g.)

(28. april 2017. godine)

أَلْحَمْدُ لِلَّهِ!

أُحْمَدُهُ وَأَسْتَعِينُهُ، وَأَسْتَغْفِرُهُ وَأَسْتَهْدِيهِ، وَأُؤْمِنُ بِهِ وَلَا أَكْفُرُهُ، وَأُعَادِي مَنْ يَكْفُرُ بِهِ!

وَأَشْهَدُ أَنَّ لَا إِلَهَ إِلَّا اللَّهُ وَحْدَهُ لَا شَرِيكَ لَهُ!

وَأَشْهَدُ أَنَّ مُحَمَّدًا عَبْدُهُ وَرَسُولُهُ، أَرْسَلَهُ بِالْهُدَىٰ وَدِينِ الْحَقِّ، وَالتَّوْرِ وَالْمَوْعِظَةِ وَالْحِكْمَةِ عَلَيَّ فَتَرَةً

مِنَ الرَّسُلِ، وَقَلَّةٍ مِنَ الْعِلْمِ، وَضَلَالَةٍ مِنَ النَّاسِ، وَانْقِطَاعٍ مِنَ الزَّمَانِ، وَدُنُوءٍ مِنَ السَّاعَةِ، وَقُرْبٍ مِنَ الْأَجَلِ!

مَنْ يُطِيعِ اللَّهَ وَرَسُولَهُ فَقَدْ رَشِدَ، وَمَنْ يَعْصِ اللَّهَ وَرَسُولَهُ فَقَدْ غَوَىٰ وَفَرَطَ وَضَلَّ ضَلَالًا بَعِيدًا!

أُصِيبُكُمْ بِتَقْوَى اللَّهِ، فَإِنَّهُ خَيْرٌ مَّا أُوصِيَ بِهِ الْمُسْلِمُ الْمُسْلِمَ أَنْ يَحُضَّهُ عَلَيَّ الْآخِرَةَ، وَأَنْ يَأْمُرَهُ بِتَقْوَى اللَّهِ فَإِنَّ

اللَّهَ يَقُولُ فِي كِتَابِهِ الْكَرِيمِ: وَاتَّقُوا اللَّهَ إِنَّ اللَّهَ خَبِيرٌ بِمَا تَعْمَلُونَ!

يَا أَيُّهَا الَّذِينَ آمَنُوا اتَّقُوا اللَّهَ وَأَطِيعُوهُ، إِنَّ اللَّهَ مَعَ الَّذِينَ اتَّقَوْا وَالَّذِينَ هُمْ مُحْسِنُونَ!

Hvala Allahu!

Od Allaha mi jedino očekujemo pomoć, uputi i oprost!

Mi u Allaha vjerujemo!

Istinu o Allahu mi ne skrivamo!

Protivimo se svima koji o Allahu istinu skrivaju!

Mi svjedočimo da nema boga osim Allaha, Jedinog!

Njemu nema niko ni sličan ni ravan!

Mi svjedočimo da je Muhammed Allahov vjerovjesnik i poslanik, kojeg je Allah, dž.š., poslao s uputom i vjerom istine, vjerom svjetla, vjerom pouke i vjerom mudrosti nakon izvjesnog zastoja u slanju poslanika, nakon što je ostalo malo znanja o vjeri, nakon što su ljudi zalutali, nakon prekida u vremenu, nakon što se približio sat odgovronsti, nakon izvjesnosti edžela.

Na pravom putu je onaj koji pristaje na pokornost Allahu i Njegovom Poslaniku, a onaj koji odbija pokornost Allahu i Njegovom Poslaniku je na krivom putu, on je *zastranio i daleko se udaljio u svojoj stranputici!*

Hvala Allahu Dobročinitelju koji nam poslao Muhammeda sina Abdullahovog, a.s., sa rodosnom viješću o Džennetu, ali i sa tužnom viješću o Džehennemu.

Hvala Allahu Plemenitom koji je dopustio da nam Muhammed, a.s., bude svjedok na ovome i na drugom svijetu da smo bili muslimani - miroljubivi ljudi!

Draga braćo i sestre,

Ulazimo u mubarek mjesec Ša‘bāna, kojeg neki nazivaju još i el-šehru-l-mu‘azzam, veličanstveni mjesec, zato što je u njemu noć oprosta, *lejletu-l-berat* ili *šab-i berat*. Uzvišeni Allah je po naravi Svoje bīti milostiv, pa ljudima oprašta grijehe ne bi li, učinili napor da budu bolji. No, u mjesecu ša‘bānu, tačnije u noći *berāta* Milostivi Allah se približava i nudi svoj oprost i onima koji ne znaju ili su zaboravili da se vrate i Njemu približe. Allah, neka je Uzvišen, te beratske noći u ša‘bānu spušta svoju milost na najbliže nebo do ljudi ne bi li ih svjetlost Njegovog magfīreta obasjala i ne bi li im se otvrdla srca omekšala i zatvorene duše otvorile da vide i prime lijek koji liječi ljudske rane od grijeha. Jer, riječ *بِرَاءةٌ* je od glagola *بَرَأَ* što znači *جعل* učiniti, napraviti, stvoriti, kao što se kaže *بَرَأَ اللهُ الخَلْقَ*, Allah je stvorio svijet. Otuda je i jedno od Allahovih lijepih imena *بَارِئٌ*, tj., Stvoritelj.

No, pojam *berāeta* ima šire, vrlo važno značenje, koje treba znati a to je značenje odvajanja ili oslobađanja nekoga od nečega. Tako se kaže *بَرَأَ المَرِيضَ مِنْ مَرَضِهِ* - bolesnik se oslobodio od bolesti, tj., ozdravio je; ili *بَرَأَ المَدْيُونُ مِنْ دَيْنِهِ* - dužnik se oslobodio od duga; ili *بَرَأَ المَثْمُومَ مِنْ ثَمَمَتِهِ* - optuženi je oslobođen od krivnje. Prema tome, noć *berāeta*, može se reći cijeli mjesec ša‘bāna, je prilika da se čovjek oslobodi ili očisti od grijeha pred Allahovom (dž.š.) i na taj način da započne novi život u smislu svog boljeg odnosa prema Allahu (dž.š.), prema sebi i prema ljudima. Kako se to čini? Vrlo jednostavno: iskrenom tevdom - pokajanjem i tvrdim iqrarom – odlukom da jednom počinjeni grijeh nećeš više počiniti. To se u ovozemaljskoj sudskoj praksi naziva proba, ili vrijeme uvjetne slobode. U onozemaljskom smislu to znači vrijeme kušnje i iskušavanja.

Ali postoji i još jedna bitna razlika između ovozemaljskog suda i onozemaljskog polaganja računa. Ovaj sud ovdje je relativan, pa samim tim i kratkovidan da obuhvati cijelu istinu i punu pravdu. Jer, ni svjedoci koji treba da govore istinu, ni sudije koji treba da odrede pravdu, nisu, vrlo često, nevini od grijeha kojeg pripisuju optuženom.

Onozemaljsko polaganje računa pred Stvoriteljem svjetova je apsolutno, pa samim tim i jedino pravo suđenje koje neće moći izbjeći ni ovdašnji krivci, ni ondašnji presuditelji kojima je lakše pripisati nehотиčni grijeh nevinima, negoli dokazati hotimičnu krivnju okrivljenima.

Zato je, draga braćo i sestre, važno da znamo vrijednost mjeseca ša'bāna koji nas uvodi u mjesec ramazan. Važno je da znamo da nam se pruža prilika da se oslobodimo od bolesti grijeha i da prihvatimo izazov probnog perioda u kojem treba da dokažemo iskrenost našeg pokajanja i uvjerljivost naše odluke da ćemo biti bolji nego što smo dosada bili, te da ćemo raditi više nego što smo dosada radili da svijetu dokažemo svoju dobronamjernost i svoju nevinost od grijeha koji nam se pripisuju zato što smo muslimani, ili zato što uredbu ovoga svijeta mi vidimo na drugačiji, po našem mišljenju, bolji način.

Je li naš grijeh u tome što slobodno mislimo i nedvojbeno vjerujemo da ova planeta Zemlja nije ničija babovina, već dar Uzvišenog Stvoritelja svega što živi i što umire, i zato niko nema pravo ovu planetu sebi prisvajati?

Je li naš grijeh u tome što sunce ovoga neba i nas grije i što mjesec sija u sred zla mraka koji nās obavija?

Je li naš grijeh što dižemo glas protiv zla i nepravde i što, već, dugo čekamo da uplakane majke nađu svoj smiraj?

Čiji je grijeh što cijelo čovječanstvo danas živi u strahu od smrtonosnih bakterija? Ko je smislio i napravio ubojiti prah smrti na Zemlji? Bezočna sila i lažna pravda nisu nikada vladali svijetom. Ubijena djeca nisu nikada mogala biti ušutkana, jer kad budu pitana zbog čeka su umorena, ona će znati dati pravi odgovor Onome pred kojim će svako morati odgovarati i kralj i sluga, i bogati i siromašni, i silni i nemoćni, i veliki i mali.

Toga dana svako će vidjeti svoje zlo koliko je trun, ali i svoje dobro, pa zato požurimo raditi dobro u ovom časnom mjesecu ša'bānu i učimo dovu Uzvišenom Allahu da nas oslobodi grijeha kojeg smo sami počinili i krivnje od koje smo nevini.

Allahu, tebi se vraćamo i kod Tebe tražimo utočište od grijeha koje znamo i ne znamo.

Amin!

أَلَا إِنَّ أَحْسَنَ الْكَلَامِ وَأَبْلَغَ النِّطَاطِمِ. كَلَامُ اللَّهِ الْمَلِكِ الْعَزِيزِ الْعَلَامِ.

كَمَا قَالَ اللَّهُ تَبَارَكَ وَتَعَالَى فِي نَظْمِ الْكَلَامِ: "وَإِذَا قُرِئَ الْقُرْآنُ فَاسْتَمِعُوا لَهُ وَأَنْصِتُوا لَعَلَّكُمْ تُرْحَمُونَ "

أَعُوذُ بِاللَّهِ مِنَ الشَّيْطَانِ الرَّجِيمِ، بِسْمِ اللَّهِ الرَّحْمَنِ الرَّحِيمِ: وَتَعَاوَنُوا عَلَى الْبِرِّ وَالتَّقْوَى وَلَا تَعَاوَنُوا عَلَى الْإِثْمِ وَالْعُدْوَانِ وَاتَّقُوا اللَّهَ إِنَّ اللَّهَ شَدِيدُ الْعِقَابِ.

[جُلُوسٌ]

{بَارَكَ اللَّهُ لَنَا وَلَكُمْ وَلِسَائِرِ الْمُؤْمِنِينَ وَالْمُؤْمِنَاتِ وَالْمُسْلِمِينَ وَالْمُسْلِمَاتِ الْأَحْيَاءِ مِنْهُمْ وَالْأَمْوَاتِ بِرَحْمَتِكَ يَا أَرْحَمَ

{الرَّحِمِينَ}

الْخُطْبَةُ الثَّانِيَّةُ

الْحَمْدُ لِلَّهِ حَمْدَ الْكَامِلِينَ، وَالصَّلَاةُ وَالسَّلَامُ عَلَيَّ رَسُولِنَا مُحَمَّدٍ وَآلِهِ وَصَحْبِهِ أَجْمَعِينَ، تَعْظِيمًا
لِنَبِيِّهِ وَتَكْرِيمًا لِفَخَامَةِ شَأْنِ شَرَفِ صَفِيَّتِهِ، فَقَالَ عَزَّ وَجَلَّ مِنْ قَائِلٍ مُخْبِرًا وَأَمْرًا: " إِنَّ اللَّهَ وَمَلَائِكَتَهُ يُصَلُّونَ
عَلَى النَّبِيِّ يَا أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا"

اللَّهُمَّ صَلِّ عَلَى مُحَمَّدٍ، وَعَلَى آلِ مُحَمَّدٍ، كَمَا صَلَّيْتَ عَلَى إِبْرَاهِيمَ، وَعَلَى آلِ إِبْرَاهِيمَ، إِنَّكَ حَمِيدٌ
مَجِيدٌ، وَبَارِكْ عَلَى مُحَمَّدٍ، وَعَلَى آلِ مُحَمَّدٍ، كَمَا بَارَكْتَ عَلَى إِبْرَاهِيمَ، وَعَلَى آلِ إِبْرَاهِيمَ، فِي الْعَالَمِينَ إِنَّكَ
حَمِيدٌ مَجِيدٌ.

اللَّهُمَّ اذْفَعْ مَقْتِكَ وَغَضَبَكَ عَنَّا وَلَا تُؤَاخِذْنَا بِمَا فَعَلَ السُّفَهَاءُ مِنَّا وَلَا تُسَلِّطْ عَلَيْنَا بَدُنُوبِنَا مَنْ لَا
يَخَافُكَ وَلَا يَخْشَاكَ وَلَا يَرْحَمُنَا!

اللَّهُمَّ طَهِّرْ قُلُوبَنَا وَأَزِلْ غُيُوبَنَا وَاكْشِفْ كُرُوبَنَا وَتَوَلَّنَا بِالْحُسْنَى وَاجْمَعْ لَنَا خَيْرَ الْآخِرَةِ وَالْأُولَى!

اللَّهُمَّ أَصْلِحْ أَحْوَالَنَا! اللَّهُمَّ أَلْفُ بَيْنَ قُلُوبِنَا! اللَّهُمَّ اخْتِمِ بِالْبَاقِيَاتِ الصَّالِحَاتِ أَعْمَالَنَا بِرَحْمَتِكَ

الْوَاسِعَةِ - آمِينَ!

إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَاءِ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ، يَعِظُكُمْ

لَعَلَّكُمْ تَذَكَّرُونَ!